



Page: 6

Reach: 0

Country: BOSNIA AND HERZEGOVINA

Size: 149 cm2

1 / 1

Prijedlog Tužilaštva Sudu BiH Zatraženo pritvaranje pripadnika "Miće"

Dva dana nakon akcije Državne agencije za istrage i zaštitu BiH (SIPA) u Doboju i Tesliću, a nakon detaljnog ispitivanja uhapšenih, Tužilaštvo BiH je Sudu BiH predložilo određivanje jednomjesečnog pritvora za Andriju Bjeloševića (1954), Milana Savića (1952), Dušana Kuzmanovića (1955), Predraga Markočevića (1957), Marinka Đukića (1964), Miroslava Pijunovića (1956), Dobrivoja Čulibrka (1956), Dragana Marijanovića (1971), Darija Slavuljicu (1973), Sašu Gavranovića (1966), Predraga Subotića (1972), Vitomira Devića (1967) i Zorana Šljuka (1957). Na teret im se stavlja krivično djelo ratni zločin protiv čovječnosti, odnosno da su tokom 1992. godine na području Doboja i Teslića počinili ratne zločine i zločine protiv čovječnosti nad žrtvama bošnjačke i hrvatske naci-

onalnosti. U Tužilaštvu BiH ističu da je mjera pritvora predložena zbog sumnje da bi u slučaju da se osumnjičeni nađu na slobodi mogli ometati istragu, prikrivati dokaze i utjecati na svjedoke ili saučesnike, kao i zbog načina izvršenja krivičnog djela kojim je izazvana velika uznemirenost građana i javnosti.

Bjelošević i ostali se terete da su na području Doboja i Teslića počinili ratni zločin i zločin protiv čovječnosti prema Krivičnom zakonu BiH, "u kojima je ubijeno najmanje 40 žrtava, izvršen progon, prisilno preseljenje i nezakonito zatočenje više stotina osoba, kao i pljačkanje i razaranje imovine žrtava bošnjačke i hrvatske nacionalnosti". Među uhapšenima se nalaze i nekadašnji visoki dužnosnici policijskih struktura, kao i pripadnici



Bjelošević među uhapšenima

ci oružane formacije "Miće", koji su osumnjičeni za zločine na području Teslića i okoline. Podsjećamo da je ovo predmet u kojem je istraga započeta u tužilaštvu Haškog tribunala, nakon čega je ustupljen pravosuđu BiH. Sud BiH će, najvjerojatnije, odluku donijeti danas.

A. B. Č.